

廣弼廨表
一百六十三

光緒五年冬月
琴弓粵秀書院

重修廣州府志序



自秦併六合變封建為
郡縣始皇三十三年置南
海郡為粵通中國之始
漢初為越南國後復置
南海吳黃武五年改置

廣州此廣州之名所由昉
也唐宋以降遞相沿革
迨有明洪武年間始建
廣州府治我

國家定鼎之初仍明舊制
歷百餘年休養生息沐

浴涵濡風會蒸之煥發
中土而郡之志乘闕有
間焉乾隆丁丑糧儲觀
察浙西金慎齋先生蒼
萃羣書旁搜博採網
羅今昔放失舊聞延攬

名儒叅訂成集郡志始
有定本蓋距今百二十
年矣往歲己巳前守戴
君友梅觀察曰原板燬於
兵燹懼其久而無傳也
請於

大府續纂而增修之未竣
事旋解組去端本適由瓊
郡檄調來守是郡先後
九年凡三蒞任茲者全書
告成總纂史穆堂先生
以稿本見示端本受而讀

之體例憲遵阮文達公通
志考覈精詳較舊志尤
為明備其編集所採訪
後事取古謹嚴勿遺勿濫
洵足補前人之所未及而
昭示後來於無窮焉且

夫郡邑之有志猶邦國
之有史豈惟是鋪張事
蹟炫耀耳目云尔哉其間
風俗之盛衰政治之舉息
亦攷鏡得失之林也廣
州爲東粵首郡領縣十

四東西衡四百二十里南北
縱六百四十餘里華實之
毛爲全粵之上腴防禦之
阻爲瀕海之阨要會城內
外市肆駢闐帆檣林立華
洋雜處良莠糾紛强悍

之習重利輕生遊佚之徒
朝遷夕徙縱之則恣蔓
堪虞激之輒倉皇生變
伊古以來稱難治撫綏
控馭之方緩急張弛之
用是在守土者斟酌調

劑之得其宜焉斯可矣況
乎五嶺鎖鑰於其後重
漠襟帶於其前形勢所
在別為一區天下無事則
已天下有事草澤奸雄
動思竊據此亦古來用兵

必爭之地也其見於前
代者無論矣即以數十
年來之近事徵之道光二
十一年海氛初熾咸豐
四年紅匪倡亂七年倭
人入城幸賴我

宣宗

文宗

穆宗聖聖相承宵旰焦勞殫竭
廟謨掃清內亂輯睦外鄰中興
盛軌軼漢超唐

今上以冲齡踐阼 兩宮

皇太后復

諭飭南北洋通商大臣暨沿海各

疆臣加意海防悉心籌畫
綢繆未雨至周且密近歲
以來瀛寰澄鏡重譯款閤
邊徼遠郡晏然如戶庭之

廣府志

序

七

安益見我

朝德澤漸被之深聲靈震
疊之遠誠亘古所未有也
端奉不敏承乏茲土行將
十稔夙夜兢、幸免隕越
然而瘼故每起於細微

事機多誤於所忽尤願後
之官斯郡者披覽是編
洞悉乎地利之險易審察
乎民志之從違安不忘危
逸不忘勞詳求治理以佐
聖世同文雅化成億萬年有道

之長也豈不懿歟若夫山
川疆域之廣博聲明文
物之茂美風土產植之殷
饒前序已備稱之茲因
無庸贅述焉是爲序時
光緒五年歲次己卯仲春

中幹鹽運使銜知廣州
府事祥符馮端本撰
并書

重修廣州府志序

嘗考周禮春官小史掌邦國之志外史掌四方之志而近世
省有通志郡縣有專志編書者皆隸史書地理類蓋省志卽
全省之史郡縣志卽郡縣之史也廣州府志向有黃文裕公
定本散佚不傳至乾隆二十三年糧道金公烈暨知府張公
嗣衍脩輯成書共六十卷迄於今又歷百二十餘年竊意此
百二十年間水陸之變更城邑之沿革堤坊之興廢物產之
盛衰與夫賦役之重輕政治之得失及咸豐四年七年之兵
燹府屬官紳士民婦女殉難殉節之家皆今日之所有而昔
之所無倘因循歲月不爲脩輯至於久而遂廢文獻無徵亦
守土者之責也予滋懼焉爰稟陳大憲商同紳士於同治己
巳仲冬在省城府學宮開局重脩延聘史穆堂中允李恢垣

廣州府志

序

銓部爲總纂周秩卿司馬等或司分纂或司圖說或司采訪
究心舊志續增新事益前人所缺略廣後日之見聞庶幾哉
他日按籍而稽舉十四屬之輿圖人物展卷瞭然而自乾隆
脩輯以後廣州百數十年之事蹟燦然悉備所以成一郡之
掌故而佐全粵之治理者胥在是矣庚午季秋余受代去任
不獲與諸君子朝夕討論而又惓惓於是書之成也謹識其
緣起而爲之序

同治九年孟冬之月三品銜廣東候補道前權廣州府事丹
徒戴肇辰謹序

重修廣州府志序

粵自廣州有界曾傳風后之圖括地分形率受河神之緒
域詳於禹貢土宜辨於周官稽管仲之遺編特著五剽五礪
攷劉安之舊訓爰詳九塞九山地志之興所由肇矣厥後派
別攸分源流遞異或媿陳留耆舊侈彪炳於人文或同荆楚
歲時誌殷繁於土俗或等蒐羅於任昉或同纂集於摯虞兼
綜并包分門別類茲非一方之掌故羣籍之會歸者乎綜覽
前書凡有二弊爾其鉤稽易誤援據多疏語墊屋而不知問
武陵而莫對羊腸之坂誤指壺關象口之河謬云積石笑坊
州之錯讀類邠國之沿訛談禹穴者每至舛淆考堯城者輒
多附會漫欲名古何嘗考訂於字林輦勺音殊詎解博徵乎
漢注譬之虛車是運盲鏡徒矜但憑揣測之精罕見淹通之

廣州府志

序

識是曰舛戾其弊一也亦有臚列奇聞廣搜異說陸雲之稱
鄮縣盛誇物產之豐盈朱育之對會稽博數人才之奇崛語
蜀會則侈其殷富論晉產則美其英多猥言江表琳瑯豔說
荆南杞梓考版圖於秦時競稱三男二女之饒矜冠冕於杜
陵爭羨七相五公之盛譬之翠綸桂餌玉軌金羈徒侈事乎
鋪張悉無關乎致用等買瓜之求益類蒸棗之空華是曰繁
蕪其弊二也凡茲流弊未易刊除欲期審擇之得宜必藉權
衡之盡當我廣州夙號輿區原稱沃壤水遶扶胥而浩瀚山
連尋陬以逶迤五羊偶駐之鄉靈蹤寶萃九鳳經飛之海異
寶斯多合推繁縣雄州不乏先賢名德自秦漢分疆而後已
屬富饒迨隋唐設鎮以還尤誇險隘念前賢之著述經兵燹
以湮沈裴顧之記久亡吳高之書已佚王中行之圖志半付

羽陵黃才伯所纂脩難搜西穴惟茲戊寅之舊志於甲乙之宏編疏漏殊多庸庸不免椎輪方始難任轉輸畫餅空成徒存形貌况自綠蠹成篇之後屢值紅羊換劫之年竹王負固於窮荒米賊俯張乎近縣銅魚晝召叱咤威風玉虎晨驚掀騰烈燄層壑瘴落鳬點溪深赤囊屢遞而星馳碧旆初臨而霧洗增陴築戍馬成益懷乎邊防割縣分州嚴幹有煩於遷徙凡此章程之建置悉爲簡策所當書加以俊彥颺騰英才霧集郡同巴蜀各習詩書地比宜城特多冠蓋聯翩競映炳爍交輝或推相業於韋平或紹經傳於賈鄭或循聲卓著咸歌五馬之旄或偉績堪銘並勒九龍之鼎幽光待發懿行斯傳端憑紀載於范爰合侯訪求於王範秦子勅瞻懷先哲移書有待乎商量鍾元常慨念舊交軼事已聞其撰集宜加

廣州府志

序

二

哀錄俾得流傳合瓊瑤而悉萃剛林統金錫而盡歸大冶庶使宏綱之備列益徵鉅製之常新已 太守戴公以江左之英流總交南之劇郡懸魚政肅馴雉風清似馬總之來郵汴諏律稽經同虞溥之在鄱陽論文校藝眷茲篇帙已閱歲年迭經雨剝以風摧奚自徵文而考獻遂乃延碩彦召耆儒握管齊來操觚各奏百番蜜紙並許傳抄十斗麋丸無妨競寫紛紜異說咸薈萃於七瓶瑣屑舊聞並儲藏於百篋於是芟繁就簡提要鉤元斜上旁行效周時之舊譜大書小注仍鄺氏之遺規或有謬說支離分門破碎菴欄軒芋咸用剪除馬勃牛溲概加芟削務折衷於一是冀傳信於千秋此義例之貴於精詳也至乃搜籍索圖咨耆訪耄魏秦之成地志考之傳聞李恂之述土風證於親歷度疏細密剖析微芒奚虞

務之傳疑豈有圖陰之誤載磔喉險要並已燦陳雖地方官咸皆備具此考訂之務於典確也若夫五曹之術掌自唐人八線之工創從異域凡立表開方之法悉測深望遠之實驗主撮以無差按弧弦而悉叶隨方定位恰同考證於李該度海量山合類奇能於劉焯等腹中而著眼疑混竅以開眉宛然臥矩之能知無異揭橈之可辨此圖繪之期於分明也別有前代佳章名流舊撰采自礎銘碣刻搜從寸楮零縑賸馥殘膏一鱗片甲應比袁宏小賦錄從江夏之經定同蘇蕙遺詩載入武功之志碎金可拾餘錦仍存九張之杼自炫陸離百衲之琴無妨補綴爬搜殆罄津逮靡窮此徵引之宜於宏博也外至蠻樓絕峒蜑戶遺墟笏竹深叢黃蘆絕港營屯舊建虎落環遮郵驛所經驛網遞送陂湖綿互市聚駢田隄偃

龍鱗隱張雁翅莫不精據密摺顯著臚晰裂揚子雲四尺之素具審源流懸崔祖濬三丈之縑備知要害昔樂史有言萬里山川四方險阻攻守利害沿襲根源伸紙未窮森然在目以今視之直其然矣若夫民生之利病戶版之盈虛披覽是篇又堪概見溯自族分輦戶海控重洋荒阿段之夷歌渺盧亭之極浦風腥葛黨馬童撓酒而來樹泣波羅鮫女獻綃而去甚至礪錢競市估舶紛乘方三渚之欲平又九隆之迭化蓼莪茅夾家輸賸布之租蜺妹蝦姑人並婆蘭之載倘爭桑其偶費必含弩以頻驚兆盧寇之漫漫積慕容之憤憤赤符有獲則戴異生心絳幘自標則張昌妄煽毒霧嘘而延陀盛土船裂而廩君雄夫徵側何能病漢而馬援或至於勞師孫恩豈足困劉而田子竟煩乎入海何則穴蟻者終成於隄決

而繙繹者且至於桑憂加以俗習則掄民多彫斲牛墾築
杆禦頻年燕子田荒征輸累載昔之歌同得寶庫號長生人
誇金穴之雄家擅銅陵之富效鳴琴於齊俗競尙音聲矜跼
屣於趙都咸趨靡麗竟等亡羊之補空同按驥之求嗟物產
以漸殫嘆凋殘其已甚此則勞惟稼穡必俟王丹化被管弦
庶如何武讀是書也思以謀保聚思以固侯遮思以息災氛
思以宣仁化羊興祖之臨郡親涉山川李贊皇之籌邊遍圖
部落豈僅蒐遺聞於朱貢侈異物於劉恂已哉澄職備西清
書窺東觀楓宸進講注記起居芸館撰文知參制誥憶傳經
於槐市愧脩史於蘭臺看花棘院深虞五色之迷視草穗垣
更乏三長之備今者汗簡初成琬鑄已就編摩鉅帙用綴蕪
詞業看鞬譯偕同並得附方輿之記更喜中和遠被請廣宣

廣州府志

序

四

樂職之詩光緒四年番禺史澄撰

重脩廣州府志職名

總裁

文華殿大學士兩廣總督瑞麟

太子少保兩廣總督續任烏魯木齊都統英翰

頭品頂戴兩廣總督劉坤一

廣東巡撫李福泰

廣東巡撫今任雲貴總督劉長佑

廣東巡撫張兆棟

廣東巡撫裕寬

監脩

廣東布政使續任福建巡撫王凱泰

廣東布政使鄧廷枏

廣州府志職名

廣東布政使使俊達

廣東布政使楊慶麟

廣東布政使覺羅成孚

廣東按察使續任直隸布政使孫觀

廣東按察使續任山西布政使張瀛

鹽運使銜廣東高廉道署按察使孫楫

廣東按察使今任山東巡撫周恆祺

布政使銜廣東按察使金國琛

廣東按察使張銑

二品頂戴兩廣鹽運使鍾謙鈞

布政使銜兩廣鹽運使續任江西按察使國英

三品頂戴廣東肇陽羅道署兩廣鹽運使方清師

二品頂戴兩廣鹽運使何兆瀛

鹽運使銜廣東督糧道今任河南開歸陳許道貴珊

三品銜廣東候補道署督糧道高從望

廣東東督糧道夏獻馨

廣東補用道署督糧道彭懋謙

主脩

三品銜候補道署廣州府知府戴肇辰

道銜候補府署廣州府知府梁采麟

鹽運使銜候升道廣州府知府馮端本

二品銜補用道署廣州府知府劉桂年

惠州府知府署廣州府知府樓震

署廣州府知府今升惠潮道鹿傳霖

廣州府志職名

二

廉州府知府署廣州府知府蘇佩訓

總纂

日講起居注官翰林院編修署右史實錄館纂修國史館纂修本衙門撰史澄

進士吏部稽勳司員外郎驗封司掌印文選稽勳司學印兼司務廳掌印李光廷

分纂

進士同知銜山東臨武縣知縣周寅清

舉人內閣中書銜化州訓導譚瑩

舉人內閣中書銜高要縣教諭李徵霽

舉人截取知縣金錫齡

舉人升用同知江西安福縣知縣陳璞

侍講銜翰林院編修四川學政譚宗浚

繪圖